

Klub SDP BiH
Zastupnica Jelena Pekić

Sarajevo, 26.02.2024. godine

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
N/r. Predsjedavajućeg Skupštine Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema Ministarstvu za odgoj i obrazovanje Kantona Sarajevo

Za zapošljavanje socijalnih radnika na punu normu u školama i centrima na svim nivoima odgoja i obrazovanja po principu jedna škola jedan socijalni radnik.

OBRAZLOŽENJE:

Prijedlogom Pedagoških standarda i normativa koje je dostavilo Ministarstvo za odgoj i obrazovanje Kantona Sarajevo normira se da broj stručnih saradnika socijalnih radnika bude 0,5 izvršilaca što je diskriminatorno u odnosu na profil pedagoga i psihologa za koje je normiran – 1 izvršilac. Takav nedostatak i nedostupnost socijalnih radnika na puno radno vrijeme u osnovnim i srednjim školama u školama Kantona Sarajevo trenutno je slučaj koji za posljedicu ima nedovoljnu podršku učenicima i njihovim porodicama, te onemogućen kvalitetan i kontinuiran rad u praćenju porodičnih prilika, saradnje s institucijama, ostvarivanja socijalnog rada i zaštite najboljeg interesa svakog djeteta.

S tim u vezi, podnosim ovu inicijativu i ističem da je neophodno izvršiti izmjenu u dijelu koji se odnosi na broj i strukturu stručnih saradnika, socijalnih radnika u obrazovanju, u segmentu da u svrhu preventivnog djelovanja u svakoj školi broj izvršilaca stručnih saradnika socijalnih radnika bude 1 izvršilac.

Smatram da u vremenu kada je porodica na marginama i kada je neophodan stručni rad s roditeljima i djecom, realizacijom ove inicijative se usmjeravamo na jačanje kapaciteta stručnih službi škola u segmentu kompletiranja stručne službe i zapošljavanja psihologa i socijalnih radnika, na puno radno vrijeme u školama, kako bi se obezbjedio kontinuitet u radu u praćenju djece i porodica te osigurala odgojno-obrazovna podrška i stručni tretman.

Data inicijativa je proizišla iz već postojeće inicijative od strane Aktiva socijalnih radnika za osnovno, srednje obrazovanje i centre, a s predstavnicom Admirom Hrelja.

Molim Vas da odgovor na inicijativu dostavite i u elektronskoj formi na službeni mail jelena.pekic@skupština.ks.gov.ba

S poštovanjem,

Jelena Pečić
Zastupnica u Skupštini Kantona Sarajevo